

Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigut sullissit aamma tarnip pissusaanik ilisimasallit pillugit Inatsisartut inatsisaanni nr. 27, 18. november 2010-meersumi § 3, imm. 2 naapertorlugu nalunaarusiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nalunaarutip minnerpaamik imarissavai atorfiup illersugaanera aammalu katsorsartittut pisinnaatitaaffii pillugit aalajangersakkat. Soqutigisaqartut attuumassuteqartut nalunaarutip imarisassaannik suliaqarnermi akuutinneqassapput.

(Inatsisartunut ilaasortaq Aqqa Samuelsen, Inuit Ataqatigiit)

Akissuteqaat

(Peqqissutsimut, Isumaginninnermut, Inatsisinillu Atuutsitsinnermut Naalakkersuisoq)

Siullermeerinnineq

Inatsisartunut ilaasortaq Aqqa Samuelsen, Inuit Ataqatigiinneersoq, tarnip pissusaanik ilisimasallit pillugit nalunaarutiliortoqarnissaannik aalajangiiffigisassatut siunnersuuteqarneranut Naalakkersuisut qutsavigaat.

Maannakkorpiaq malittarisassaqqanngilaq tarnip pissusaanik ilisimasallit suliaqarfiannik aalajangersaasunik, naak siornatigut oqallisigineqarnikuugaluortoq sulisinnaatitaanermut akuersissut tarnip pissusaanik ilisimasalinnut atulersinneqassanersoq.

Inatsisartut inatsisaannut nr. 27-mut 18. november 2010-meersumut oqaaseqaatinit ersersinneqarpoq: *“Peqqissutsimut Naalakkersuisoqarfik Inatsisartut UPA2009/137-mik oqaluuserinninnerat tunngavigalugu Kalaallit Nunaanni tarnip pissusaanik ilisimasallit sulinissaannut akuersissut pillugu inatsisiliornissamut periarfissat pillugit nassuiaasiorpoq. Nassuiaat 2010-mi Inatsisartut upernaakkut ataatsimiinneranni Inatsisartunut agguanneqarpoq. Nassuiaammi Peqqissutsimut Naalakkersuisoqarfiup Kalaallit Nunaanni tarnip pissusaanik ilisimasallit sulinissaannut akuersissut pillugu inatsisissamik suliarinnittoqassanngitsoq. Tassani tunngavigineqarpoq napparsimasut pisinnaatitaaffiisa, tarnip pissusaanik ilisimasallit ilinniakkat tungaatigut tunuliaqutaasa aamma Kalaallit Nunaanni tarnip pissusaanik ilisimasallit sulinissaannut akuersissuteqartarnermi nakkutilliisoqartitsinnermilu attuumassuteqannginnissap naammattumik qulakkeerneqarsinnaannginnerat.”*

Sulisinnaatitaanermut akuersissuteqartarnissaq pillugu inatsisiliornissamut taarsiullugu periarfissatut allatut piginnaatitsinnermik aalajangersagaq Inatsisartut inatsisaanni nr. 27-mi 18. november 2010-imeersumi § 3, imm. 2-mut ilanngunneqarpoq. Piginnaatitsinnermik aalajangersagaq tarnip pissusaanik ilisimasallit pillugit nalunaarutiliornissamut periar-

fissiivoq atorfiup illersugaanerani atutilersitsisumik, naleqquttumik ilinniagaqarnissamik qularnaarisumik, katsorsartinnermut nakkutiginninnermullu kiisalu kinguneqartitsinissamut pisinnaatitaanermut atatillugu pisussaaffinnik naleqqussaansamut periarfissiisumik.

Naalackersuisut ajuusaarutigaat siusinnerusukkut nalunaarusiortoqarsimanginnera. Naalackersuisut ilisimavaat innuttaasut tarnip pissusaanik ilisimasalinnit ikiorser-neqartillugit erseqqissumik innuttaasumut namminermut, kisianni aamma katsorsaasumut najoqqutassaqaarnissaq pingaaruteqartoq. Tamatumani katsorsaasunut pisariaqaanngitsumik aqutsineq allaffissorpallaarnerlu sulinerannut iluaqutaanngitsoq. Suliassamut tunngatillugu aamma apeqqutaassaaq kikkut nakkutilliisusaanersut, akuersissut qanoq arsaagaassutigineqassanersoq aamma nakkutilliinermut aningaasanillu atuinermi tullerriaarisoqarnerani isumalluutit kiap isumagissanerai. Taamaasilluni apeqquaterpassuit allallu paasiniarneqartussaapput, tassanilu ilaapput tullerriaarisoqarnerani isumalluutit ilanngullugit paasiniarneqassallutik.

Taamaattumik Naalackersuisut inassutigaat suliassaqaarfimmu tamatumunnga tunngasumik nalunaarutiliornissaq piffissaq pisariaqartinneqartoq atorlugu torersumik pitsaasumillu suliarineqassasoq. Naalackersuisut aalajangiiffigisassatut siunnersuut allannguu-tinik ataani eqqaaneqartunik allannguuserlugu, akuersaarpaat.

Taamatut oqaaseqarlutik Naalackersuisut allannguutitut siunnersuut una innersuussutigaa:

”Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni nr. 27-mi 18. november 2010-meersumi § 3, imm. 2 tunngavigalugu tarnip pissusaanik ilisimasallit pillugit nalunaarutiliorsinnaanermi Naalackersuisut ukiamut 2020-mut misissuissuinissaq siunertaralugu aallartinnissaannut Inatsisartut Aalajangiiffigisassaattut siunnersuut. Misissuineq isumalluutinik atuinermik, suliassamullu tunngasunik pitsaaqutinik ajoqutinillu erseqqissaassaaq. Susassaqaqatigiit attuumasutillit ilaatinneqassapput.”